

AÑO 24.º Mártes 22 de Marzo de 1877. N.º 5.º



BOLETIN ECLESIÁSTICO

DE LOS OBISPADOS DE

SALAMANCA Y CIUDAD-RODRIGO.

OBISPADOS

de Salamanca y Ciudad-Rodrigo.

CIRCULAR.

Hemos recibido un ejemplar auténtico de la importantísima alocución dirigida por el Santo Padre á los Cardenales congregados en el Vaticano el dia 12 del corriente mes.

Sin perjuicio de ocuparnos detenidamente, cual merece, de este documento, que contiene una declaración solemne, expresa y afflictiva de las amarguras que está experimentando nuestro amado Padre y Pastor el bondadoso Pio IX, adelantamos su texto latino para que nuestro venerable Clero tenga un elocuente testimonio mas, de la importancia que envuelve todo cuanto se haga en obsequio del Pontificado Supremo de la

Iglesia y de cuán urgente es llamar la atencion de los pueblos católicos hacia el gran deber que no pueden declinar si se precian de leales, de socorrer en sus necesidades y de consolar en sus tribulaciones al Representante de J. C. en la tierra.

Como principio de las buenas obras que hemos de aconsejar á Clero y fieles practiquen para interesar las divinas misericordias en favor del Santo Padre, nos apresuramos á disponer lo siguiente:

1.^o Los Domingos que median entre el tercero despues de Pascua y el de la infra-Octava del Corpus, incluyéndolos ambos, se consagraran de una manera especial á rogar á Dios por el Romano Pontifice. Al efecto en el primero de los expresados, fiesta del Patroncio de S. José, tanto en las dos Iglesias Catedrales como en las Parroquiales, se predicará á los fieles, acerca de la devucion al Santo Patriarca, recordándoles que S. S. el Papa Pio IX le declaró protector de la Iglesia universal, que colocó bajo su amparo en medio de las persecuciones que sufre, y exponiendo con viveza y ternura las consideraciones que sobre estas publicamos en nuestra última Pastoral, inculcarán en el corazon de los fieles la obligacion de rogar sin intermission á San José, por el Pontífice, que tan celoso se ha mostrado de su gloria y para que acelere el triunfo de la Iglesia.

2.^o En este Domingo y en los cinco siguientes se celebrarán al mismo fin en ambas Catedrales, en todos los templos parroquiales y los de los Conventos de Religiosas, rogativas públicas, cantándose la Letanía de los Santos.

3.^o En el Domingo infra-Octava del Corpus y dando

al culto de este dia el mayor esplendor posible, se cantará en las mismas una Misa solemne y á su terminación el *Te-Deum*, en acción de gracias á la Divina Providencia por haber permitido al Santo Padre celebrar el 50.^º aniversario de su consagración episcopal. Las prácticas religiosas hechas en el tiempo referido, estarán dignamente coronadas por una fervorosa Comunión recibida en este dia memorable, á la cual concede Su Santidad indulgencia plenaria según el Breve que á continuación publicamos.

4.^º Los Sres. Curas Párrocos invitarán atentamente á las autoridades para la solemnidad del dia del Patrocinio y del Domingo siguiente á la festividad del Cörpus, y exhortarán á las Cofradías y Asociaciones religiosas á que concurran en corporación á las mismas.

5.^º Todos los días á contar desde el en que los Párrocos reciban este Boletín, rezarán Clero y fieles al concluir la Misa conventual, tres *Ave-Mariás* á la Virgen Santísima y un *Padre nuestro* y *Ave-María* á San José, pidiéndoles el triunfo de la Iglesia.

6.^º Hasta que otra cosa dispongamos, todos los Sacerdotes dirán en la Santa Misa, permitiéndolo las Sagradas Rúbricas, la oración *pro Papa*.

7.^º Recomendamos con todo interés á nuestros Diocesanos que consagren los meses de Mayo y Junio respectivamente á la Santísima Virgen y al Corazón Sacratísimo de Jesús, honrándoles con mayor afecto y devoción que en los años anteriores y ofreciéndoles todas las oraciones y buenas obras en obsequio de la Iglesia y á fin de que cesen las angustias en que está colocada. Les exhortamos por fin á la recepción de los

Santos Sacramentos en los dias 16 y 21 de Junio, aniversarios respectivos de la elección y coronación del Sumo Pontífice.

8.^o y último. En los puntos en que no se haya hecho la colecta extraordinaria que tenemos preceptuada á favor del dinero de San Pedro, se verificará sin pérdida de tiempo, á fin de que antes del 15 de Mayo haya ingresado su producto en nuestra Secretaría de Cámara, para que pueda hacerse cargo de él la respectable Comisión que presidiendo la romería de estas Diócesis, ha de ponerlo en manos de Su Santidad.

Salamanca 20 de Marzo de 1877.—EL OBISPO.

ALOCUCION DE PIO IX

á los Cardenales reunidos en el
Vaticano, el dia 12 de Marzo
de 1877.

VENERABILES FRATRES:

Luctuosis exagitati Nostri Pontificatus temporibus pluries vestrum amplissimum ordinem in has aedes advocavimus, ea mente ut gravia mala apud Vos deploremus quibus Ecclesia indigne affligitur, et contra ea quae sive in Italia sive in aliis regionibus in perniciem Ecclesiae ac Sedis Apostolicae patrata sunt, Nostras protestationes ederemus. Novissimis vero hisce annis novos et violentiores usque impetus atque iniurias spectare debuimus quas Ecclesia Dei in variis Or-



bis catholici partibus pertulit ab infensis hostibus, qui opportunam satis occasionem Iesu-Christi sponsam oppugnandi reputaverunt calamitosam conditionem rerum nostrarum, et solitudinem eam in qua Nos omni humana ope destituti versamur. Optassemus quidem hodierna die Venerabiles Fratres menti et cogitationi vestrae proponere immanem hanc lateque diffusam persecutionem, quae in pluribus Europae regionibus contra Ecclesiam saevit, sed habentes in animo acerbam hanc descriptionem alio Vovis tempore exhibere, interim facere non possumus, quin Ecclesiae in hac Italia labores et vexationes in dies asperiores Vobis commemoremus, ac pericula quae quotidie maiora Nobis et huic Apostolicae Sedi impendere conspicimus, aperiamus.

Septimus iam procedit annus, ex quo invasores civilis Nostri Principatus omnibus divinis ac humanis iuribus proculcatis, solemnum pactionum fide violata, et calamitates illustris Nationis catholicae opportunitatem suam reputantes, vi atque armis provincias quae in nostra potestate adhuc erant occuparunt, hanc sanctam civitatem expugnavere, ac tantae iniquitatis opere Ecclesiam universam luctu ac dolore compleverunt. Simulatae atque infidae promissiones, quas iis funestis diebus ipsi super rebus nostris, Guberniis exteris obtulere, declarantes se velle obsequium et honorem reddere libertati Ecclesiae, et liberam ac plenam esse velle Romani Pontificis potestatem, efficere non potuerunt ut Nos vana spe illecti non penitus praeciperemus animo, quae luctuosa ac misera Nos sub eorum dominatione manerent; quin probe concii consiliorum impiorum quae propria sunt hominum quos nova-

rum rerum studia et sceleratum foedus consociat, aperte praenunciavimus eam sacrilegam invasionem non tantum spectare ad civilem Nostrum Principatum opprimendum, quantum ad destruendas facilius, temporali nostra dominatione oppressa, institutiones omnes Ecclesiae, ad evertendam Sanctae Sedis auctoritatem, ad vicariam Christi potestatem quam licet imme- rentes gerimus in terris, omnino labefactandam.

Iamvero hoc opus demolitionis et eversionis om- nium rerum quae pertinent ad ecclesiasticum aedi- cium atque ordinem, si non quoad consilia ac odium persecutorum, quoad gravissimas tamen ruinas quas usque ad hanc diem congeserunt pene consummatum dici potest; ac satis est oculos convertere ad leges et decreta ab initio novae dominationis huc usque edita, ut luculenter perspiciatur Nobis singillatim ac sensim alia ex aliis in dies media et praesidia fuisse sublata, quibus ad catholicam Ecclesiam ut par est regendam et gubernandam omnino indigemus. Enimvero iniquitas quae completa est supprimendis ordinibus religiosis, Nos strenuis ac utilibus adiutoribus damnose spolia- vit, quorum opera in expediendis ecclesiasticarum Congregationum negotiis, in tot partibus ministerii Nostri exercendis Nobis omnino necessaria est, ac eo- dem tempore hinc in urbe nostra tot domicilia delevit quae religiosos viros ex exteris nationibus excipiebant, qui statis temporibus in hanc metropolim convenire consueverant ad roborandum spiritum, ad rationes de suo ministerio reddendas, atque ab ipsis radicibus crudi- deliter abscidit tot utiles et feraces plantas, quae fruc- tus benedictionis et pacis in omnes terrae plagas affe- rebant. Eadem autem suppressionis iniuria quae Co-

llegia perculit pro sacris missionibus in urbe constituta ad dignos operarios efformandos, qui Evangelii lucem in dissitas etiam et inhospitas terras animose proferrent, ea misere subduxit tot populis tam salutare pietatis et caritatis auxilium magno cum detimento ipsius civilis humanitatis et cultus, qui a Religionis nostrae sanctitate doctrina virtute dimanat. Huiusmodi vero leges per se acerbissimae et non solum Religio-
nis, sed ipsius humanae societatis utilitati perquam adversae, maiorem etiam acerbitatem deinde accepere ex novis ordinationibus rei publicae ministrorum quibus religiosarum familiarum communi in domo consociationes, et novae admissiones pro regularibus utriusque sexus sub severis sanctionibus prohibentur. Disiectis Ordinibus religiosis Clero saeculari destruendo consilia et opera conversa sunt, ac funesta ea lex lata fuit qua Nos et Pastores italici populi magno cum luctu videre debuimus iuvenes clericos, Ecclesiae spem, a sanctuario nequiter avulsos, et coactos aetate ipsa qua se Deo solemniter consecraturi sunt, saecularis militiae balteum accipere, ac vitae genus perferre, quod ab institutis et spiritu vocationis eorum longissime abhorret: Quid plura? Subsecutae sunt aliae iniustae leges quibus universum patrimonium, quod Ecclesia sacrис diuturnis inviolabilibus titulis possidebat magna ex parte fuit ereptum substitutis ejus loco ac ex parte tantum exiguis redditibus qui ancipitibus temporum vicibus, et voluntati ac arbitrio publicae potestatis penitus subiiciuntur. Deplorare etiam coacti fuimus magno numero aedificia quae pietas fidelium gravibus admodum sumptibus toleratis erexerat, quae christianis Romae temporibus

digna erant, quaeque pacatum hospitium praebebant virginibus Deo devotis aut Regularium familiis, indiscriminatim legitimis possessoribus electis occupata fuisse, et in profanos usus destinata. Adempta insuper fuerunt potestati Nostrae, et sacrorum ministrorum curationi, tot pia opera et instituta caritati ac beneficentiae exercendae consecrata, quorum nonnulla egestati aliisque miseriis et necessitatibus sublevandis mira munificentia ipse Romani Pontifices Praedecessores Nostri et exterarum gentium pia liberalitas considerant; ac si qua ex iis publicae caritatis operibus adhuc sub Ecclesiae vigilantia manent, lex quaedam non serius roganda esse fertur, qua illa a Nobis subtrahantur aut funditus aboleantur veluti publica documenta non dubie nec obscure praenunciant. Vidimus praeterea, idque anima Nostra supra omnem modum dolore perculta commemoramus, Ecclesiae auctoritati et moderationi subductum publicum ac privatum doctrinarum et artium magisterium, et docendi munus concreditum hominibus suspectae fidei, aut apertis Ecclesiae inimicis et qui non dubitarunt atheismi interpretatem publice profiteri.

Occupatis hac ratione et eversis tot religiosis magnique momenti institutionibus, id non satis visum est filiis Ecclesiae desertoribus nisi etiam impedimenta ponerent sanctuarii Ministris ne suum spirituale ministerium valeant libere exercere; atque huc etiam nefarie perventum est ea lege in aula oratorum legibus ferendis novissime approbata, quae de *Cleriabus* inscribitur, cuius vigore crimini et noxae vertuntur Episcopis itemque sacerdotibus, ac gravibus poenarum sanctionibus mulcantur ii actus, quos sub

insidioso nomine perturbationis conscientiae quam dicunt publicae, aut pacis familiarum predictae legis auctores complectuntur. Eius porro quam innuimus legis iussu, verba ac scripta omnis generis quibus Religionis administri decreta leges aut alium quemque publicae auctoritatis actum vel rei sacrae iuribus, vel Dei aut Ecclesiae legibus adversantem, pro sui officii ratione notandum ac improbandum censeant, animadversioni et poenis perinde subiiciuntur, ac opera illorum qui praedicta scripta ediderint aut diffuderint, quo cumque ex ordine ecclesiasticae auctoritatis, aut ex loco ipsa manaverint. Ubi haec lex perlata et promulgata fuerit integrum erit laico tribunali iudicium ferre, utrum ac quomodo sacerdos in sacramentis administrandis in divini verbi praedicatione conscientiam publicam et domesticam tranquillitatem perturbaverit, ac episcopalis et sacerdotalis vocis ea erit conditio ut ea comprimatur aut obstruatur, non minus quam vox ipsa Iesu Christi Vicarii, qui quamvis in se ipso nulli animadversioni obnoxius dicatur ob rerum politicarum rationes, in persona tamen eorum qui eius noxae affines fuerint puniendus esse censetur, uti publicus regni administer in conventu legumlatorum palam significare non dubitavit, cum respectu ad Nos habito aperite profiteretur nec novum aut insolitum esse in legibus, nec a iuris criminalis ratione scientia ac usu absonum, poenis subiici participes criminis, ubi praeципuus auctor puniri non possit. Ex quo intelligitur ad Nos etiam ex dominantium sententia huius legis telum spectare, ita ut ubi nostra verba aut acta in offenditionem eius legis incident, Episcopi aut sacerdotes qui nostros sermones et monita aut evulgarint aut executi

fuerint poenas laturi sint eius praetensi criminis,
cuius reatum et culpam Nos uti praecipuus auctor
sustinere iudicabimur.

En Venerabiles Fratres quemadmodum non solum
tot praesidia tot instituta roborata saeculis, invicta
tempestatibus, Ecclesiae administrationi necessaria
hostili violentia ac demolitione apud Nos eversa sunt,
sed eo etiam progressum est, ut sublime illud munus
docendi vigilandi animarum saluti prospiciendi quod
Ecclesia a suo divino conditore accepit nefario modo
impediatur, severissimis poenis indictis ad obstruen-
dum os ministrorum eius, qui dum docent populos
servare omnia quae Christus mandavit, dum instant
opportune importune arguunt obsecrant increpant in
omni patientia et doctrina, illud agunt quod divina
eis et apostolica auctoritate praecipitur. Alias autem
tenebrosas molitiones oppugnatorum Ecclesiae silen-
tio praeterimus, a quibus nonnullorum etiam ex pu-
blicis administris consilia et incitamenta non abesse
cognoscimus, quae eo spectant ut maiorum tribulatio-
num dies Ecclesiae ipsi adducantur, vel promovendis
schismatis occasionibus ubi futuri Pontificis electio
inciderit, vel Episcoporum qui Ecclesiis Italiae praes-
sunt spiritualis auctoritatis usu impediendo, cuius rei
causa Nos novissime declarare coacti fuimus, tolerari
posse ut acta canonicae institutionis eorumdem Epis-
coporum laicæ potestati exhibeantur, ad occurrentum
quantum in Nobis est, funestissimis rerum adjunctis,
in quibus non amplius agebatur de temporalium bono-
rum possessione, sed ipsae fidelium conscientiae, ea-
rum pax, animarum procuratio et salus, quae supre-
ma Nobis lex est, in apertum discrimen vocabantur.

Verum in hoc quod egimus ad gravissima pericula removenda, palam ac iterum agnosci volumus, Nos iniustum eam legem quae *regium placitum* vocatur omnino improbare ac detestari, aperte declarantes per ipsam laedi divinam Ecclesiae auctoritatem, eiusque libertatem violari,

Post haec autem quae hactenus exposuimus, omittentes plura alia, ad quae deploranda sermonem nostrum producere possemus illud petimus, qua ratione fieri possit ut Ecclesiam gubernare valeamus sub dominatione eiusmodi potestatis, quae omnia Nobis, media et praesidia ad Apostolatum nostrum exercendum continenter adimit, omnem viam obstruit, nova in dies impedimenta novas difficultates interponit, novos usque laqueos insidiasque molitur? Prefecto Nos satis mirari non possumus eos homines reperiri, quorum nescimus utrum levitas an malitia maior sit, qui sive per publicas ephemerides, sive peculiaribus scriptis sive impudentibus sermonibus plurium occasione conventum habitis, obtrudere et persuadere populis conantur, praesentem summi Pontificis in urbe conditio nem talem esse, ut etiam sub alterius potestatis dominatione constitutus plena libertate fruatur, ac tranquille et plene possit suo supremo spirituali primatu perfungi. Ad quam opinionem publice confirmandam nullam elabi occasionem sinunt sive cum Episcopi et fideles ex exteris plagis ad Nos visendos accedunt, si ve cum eorum pios coetus in conspectum nostrum admittimus, sive cum impios ausus contra Ecclesiam Nostris ad eos sermonibus deploramus, quin de industria et callide incautis insinuare studeant, Nos reipsa plena potestate et libertate frui tum loquendi

tum excipiendi fideles tum Ecclesiam universam administrandi. Mirum Nobis est quod talia impudenter iactari possint, quasi exercitium illorum actuum qui recensentur plene et omnino esset in nostra potestate, et quasi in iis tota gubernationis Ecclesiae ratio quae ad munus Nostrum pertinet contineretur. Quis enim nescit non sub Nostra sed sub dominantium potestate esse actus eius libertatis quam tantopere extollunt, ita ut eatenus et tamdiu eosdem actus exercere possimus, quatenus et quamdiu hoc ab iis non impediatur? Quae tamen nostrorum actuum libertas quantum sub eorum potestate sit, etsi alia argumenta deessent, satis innuit ac docet novissima ea lex quam nuper deploravimus, qua liberum exercitium spirituallis notrae potestatis, et ministerii ecclesiastici ordinis nova et intolerabili oppressione constringitur. Quod si nonnullos actus Nos posse exercere permiserint, ea de causa quod agnoscant quantopere eorum interdit Nos sub eorum dominatione liberos existimari, quam multa tamen gravissima pernecessaria summi que momenti sunt quae ad formidanda onera ministerii Nostri pertinent, quibus reipsa ac rite perficiendis, Nos dominantium iugo, subiecti omni necessaria facultate et libertate caremus? Vellemus quidem illos qui ea quae retulimus scribunt aut loquuntur, oculos suos ad ea quae circa Nos accident coniicerent, ac alieno paullisper a partibus animo dijudicarent, utrum vere dici possit Ecclesiae regendae potestatem Nobis divinitus commissam, cum eo statu ad quem Nos adegit invasorum dominatus posse componi. Vellemus eos agnoscere convicia iniurias contumelias quae etiam in aula Oratorum Populi continenter contra humilita-

tem Nostram effunduntur, convicia in quibus Nos quidem ignoscimus miseris qui ea promunt, sed tamen in offensionem maximam fidelium cedunt quorum communis Pater violatur, et eo tendunt ut imminuatur apud eos existimatio auctoritas veneratio, quam Vicariatus Christi quem indigne sustinemus, suprema dignitas et sanctitas postulat. Vellemus eos testes esse probrorum et calumniarum quibus tum amplissimus ordo vester, tum sacri Eclesiae Magistratus omnibus modis impetuntur, tanto cum administrationis eorum detimento; testes esse irrisus ac ludibri quo augusti ritus ac institutiones catholicae Eclesiae dehonestantur, petulantiae qua sanctissima religionis mysteria profanantur, ac conspicere publicis honoris significacionibus et pompis decoratam impietatem et atheos homines, dum contra religiosae supplicationes et pompe velantur, quas avita italorum pietas libere semper celebrare solemnibus temporibus consuevit. Vellemus etiam ipsis notas esse blasphemias, quae impune, auctoritate publica dissimulante, contra Ecclesiam in legumlatorum conventu coniiciuntur, in quo Eclesiae ipsi subvertendi et aggrediendi criminatio est illata, libertas eius nefarium ac fatale principium vocatum est, doctrinae eius perversae, ac societati et moribus adversantes appellatae sunt, vis et auctoritas eius tamquam civili consortio perniciosa incussata fuit. Neque possent iidem confictae nostrae libertatis praecones inficiari tot multiplicis continuas graves occasiones in id comparatas ut ineauta iuventus inflammati cupiditatibus corrumptatur, ac ex eius animo catholica fides radicitus extirpetur. Si ipsi demum vias huius urbis, quae per B. Petri cathedralm religionis

sedes et caput est obirent, iudicare percommode possent utrum templa acatholici cultus his temporibus excitata, scholae corruptionis quaquaversus diffusae, tot domus perditionis passim constitutae, obscena et foeda spectacula quae oculis populi offeruntur, talem rerum conditionem faciant, quae tolerabilis sit ei qui pro sui apostolatus officio debet quidem et vellet tot malis occurrere, at contra omnibus mediis et rationibus, omni potestatis exercitio privatur, quo possit vel uni tantum ex tot malis necessaria remedia adhibere, et animabus in exitium ruentibus opem ferre. Hic tandem est Venerabiles Fratres status cui subesse cogimur opera eius Gubernii quod in hac urbe dominatur, haec est illa libertas et potestas exercendi ministerii nostri cuius nomine abutuntur et qua Nos potiri impudenter iactitant: libertas scilicet videndi demolitionem in dies deteriorem ordinis et constitutionis ecclesiasticarum rerum, videndi exitium animarum, quin operam nostram ad tot damna opportune reparanda impendere et navare possimus. His ita se habentibus nonne nova amarulenta irrísio et ludibrium existimandum est illud quod saepe dicitur, nempe debere Nos conciliationis et concordiae consilia cum novis dominatoribus inire, cum haec conciliationis ratio non aliud ex parte nostra esset, nisi omnino prodere non modo summa Sanctae huius Sedis iura, quae tamquam sacrum et inviolabile depositum ad hanc supremam cathedram evecti custodienda ac tuenda receperimus, sed etiam et praeципue prodere divinum ministerium Nobis pro salute animarum commisum, tradere hereditatem Christi in manus auctoritatis huiusmodi, cuius opera ad ipsum catholicae religionis nomen, si fieri

posset, delendum, diriguntur? Nunc profecto terrarum orbi claro in lumine omniue ex parte conspicienda praebetur vis vigor fides earum concessionum, quibus ad fidelium illusionem hostes nostri libertatem et dignitatem Romani Pontificis tueri se velle ostentarunt, quae fundamentum suum positum habent in arbitrio ac hostili voluntate reipublicae moderatorum, quorum in potestate est iuxta sua consilia et rationes, ac pro lubitu eas aptare, servare, interpretari, atque executioni mandare. Haudquaquam certe, haudquaquam Romanus Pontifex est aut erit unquam plenae libertatis compos, ac suae plenae potestatis, donec aliis in urbe sua dominantibus subiiciatur. Alia eius sors Romae esse non potest nisi aut supremi Principis aut captivi: nec unquam catholicae Ecclesiae universae pax securitas tranquillitas constare poterit, donec exercitium supremi apostolici ministerii obnoxium fuerit studiis partium, arbitrio dominantium, vicibus politicarum electionum, consiliis et operibus hominum callidorum ac utilitatem iustitiae praeferentium.

At in tantis malis queis laboramus et premimur ne putetis Venerabiles Fratres aut animum nostrum fractum concidere, aut illam in Nobis fiduciam deficere qua Omnipotens et Aeterni decreta expectamus. Nos quidem consilium cum inissemus post occupationem ditionis Nostrae Romae potius manendi quam quaerendi alienis in terris tranquillum hospitium, idque ea mente ut penes Beati Petri sepulcrum pro re catholica vigiles excubias ageremus, nunquam destitimus auxiliante Deo pro causa Eius tuenda certare, et quotidie certamus nullibi loco cedentes hosti nisi vi depulsi, ut per pauca illa quae adhuc reliqua sunt ab impetu diri-

pientium et pervertere omnia conantum vindicemus. Ubi autem caetera Nos defecerunt praesidia quibus Ecclesiae et religionis rationes tueremur, Nos nostrae vocis et nostrarum expostulationem officio usi sumus; cuius rei testes estis ipse quibus communia pericula communis Nobiscum dolor fuit; saepe namque verba excepistis publice à Nōbis prolata sive ut nova facinora reprobaremus et contra invalescentem hostium violentiam protestaremur, sive ut aptis monitis fideles instrueremus ne insidiis improborum et simulatae religionis specie, neu noxiis falsorum fratrum doctrinis deciperentur. Utinam vocibus Nostris tandem admoveant aures animumque adiificant illi quorum ad officium pertinet et maxime interest, auctoritatem Nostram sustentare, et causam qua nulla iustor et sanctior, viriliter tueri! Nam qui fieri potest ut illorum prudentiam fugiat, frustra solidam ac veram prosperitatem in nationibus, tranquillitatem ac ordinem in populis, stabilitatem potestatis in iis qui sceptra tenent expectari, si Ecclesiae auctoritas quae societas omnes recte constitutas vinculo religionis continet, impune contemnatur et violetur, eiusque Caput supremum in suo ministerio obeundo plena libertate uti nequeat, et potestatis alterius sit obnoxius arbitrio?

Illud sane feliciter accidisse laetamur, ut voces Nostrae ab universo catholico Populo filiali pietate Nobis obstricto, libentissime magnoque cum fructu exceptae fuerint; talia enim sunt quae ab ipsis accepimus dilectionis assidua et iterata testimonia, ut et ipsis et Ecclesiae summam gloriam conferant et bene sperare Nos jubeant laetiores dies eidem Ecclesiae et huic Apostolicae Sedi orituros. Ac profecto vix verbis aequare possu-

mus iucunditatem solatii quod percepimus validis licet auxiliis undique destituti, intuentes egregios animorum motus et generosa studia quae sponte excitata latius in dies propagantur inter gentes etiam remotissimas, ut Romani Pontificatus et humilitatis Nos trae causam suscipient, dignitatem tueantur. Liberalia subsidia quae ex omni terrarum parte ad Nos perveniunt ut urgentibus necessitatibus Sanctae huius Sedis prospiciamus, et frequentia tot filiorum nostrorum qui ad has Vaticanas aedes ex omni gente confluunt ut visibili Ecclesiae capiti devotam voluntatem suam testentur, eiusmodi pignora animorum fidelium sunt, pro quibus pares agere gratias divinae bonitati omnino nequeamus. Vellemus tamen ab omnibus intelligi, quod salutaris documenti loco esset, intimam vim et significationem veram peregrinationum istarum, quas hoc tempore crebro iterari videmus, quo Romanus Pontificatus teterimum bellum experitur. Scilicet illae non eo valent tantum ut amorem et observantiam fidelium prodant erga humilitatem Nostram, sed manifestum praebent indicium sollicitudinis et anxietatum quae eorum corda perturbant, quod communis Parenis in abnormi prorsus ac incongrua conditione versatur. Neque haec anxietas et sollicitudo conquiescat, imo augeatur oportet, donec in possessionem plenae et verae libertatis, Pastor universae Ecclesiae restituatur.

Interea nihil magis optamus Venerabiles Fratres quam ut voces Nostrae ex hoc parietum septo ad ultimos terrarum fines manent, ut totius orbis fidelibus pro illustribus quae continenter ipsi exhibent filialis dilectionis et obsequii argumentis, sensus gratissimi

animi nostri testentur. Optamus enim iis gratias agere pro pia liberalitate, qua etiam interdum difficultatis rerum suarum oblii Nobis opitulantur, agnoscentes Deo offerri quidquid Ecclesiae tribuitur, gratulari pro magnanimitate et virtute, qua impiorum iras et irrisiones despiciunt, Nosque iis devinctos profiteri pro alacritate qua significationes sui amoris Nobis offerre student ad celebrandam anniversariam diei illius memoriam quo ante quinquaginta annos Episcopalis consecrationis munus, licet indigni suscepimus. Nec minus Nobis in votis est, ut omnes etiam Ecclesiarum quae late per orbem diffusae sunt Pastores, voces has Nostras excipientes ex iis incitamentum sumant ut significant fidelibus suis pericula, oppugnationes et incommoda quotidie graviora, quibus premimur, eosque simul certiores faciant, Nos quidem nunquam destitutos quicumque rerum exitus futurus sit, ab improbandis iniquitatibus quae coram Nobis patrantur; verum fieri posse aliquando cum propter leges nuper rogatas, tum propter alias quae praenunciantur etiam saeviores, ut vox Nostra usque ad eos nonnisi rarius et aegre admodum per interpositas difficultates possit afferri. In his tamen rerum adiunctis Pastores ipsos excitamus, ut greges suos praemoneant, ne fallacibus capiantur artibus queis homines fraudulenti veram rerum conditionem in qua positi sumus verbis invertere et deformare nituntur, sive celantes acerbitatem eius, sive libertatem nostram extollentes, et potestatem nostram nemini obnoxiam esse affirmantes, dum vere rem totam sic paucis complecti possumus: scilicet Ecclesiam Dei in Italia vim et persecu-

tionem pati: Christi Vicarium neque libertate, neque expedito plenoque usu suae potestatis frui.

Cum res hoc loco sint, nihil opportunius ducimus, nihil cupimus impensius, quam ut iidem omnes Sacrorum Antistites qui miram concordiam in tuendis Ecclesiae iuribus et egregiam in Apostolicam Sedem voluntatem suam multiplici indicio Nobis constanter probarunt, fideles quibus praesunt excitent, ut ea ratione ac ope quam iura sinunt cuiusque regionis, sedulo agant apud eos qui summam rei publicae tenent, quo accuratius gravis conditio perpendatur in qua Caput catholicae Ecclesiae degit, atque efficacia adhibeantur consilia obstaculis amoliendis, quae veram ac plenam *independentiam* eius impediunt. Quoniam autem Dei omnipotens est mentibus lumen immittere et flectere hominum corda, non solum Vos rogamus Venerabiles Fratres ut fervidis apud Eum precibus hoc maxime tempore utamini, sed et ipsos catholicorum omnium populorum Pastores vehementerhortamur, ut fideles sibi concreditos in sacra templa convenire current, ubi pro Ecclesiae matris salute, pro inimicorum nostrorum conversione, et fine malorum tam gravium lateque patentium humiles preces ex intimo animo effundant. Excipiet ut firmiter confidimus, orationem populi ad se clamantis Deus, cui beneplacitum est super timentes Eum, et in eis qui sperant super misericordia Eius.

Caeterum Venerabiles Fratres confortemur in Domino et in potentia virtutis Eius, atque induiti armaturam Dei, loricam iustitiae et scutum fidei, praeliemur strenue ac fortiter adversus potestatem tenebrarum, et nequitiam huius saeculi. Iam certe studium omnia

miscendi perturbandique eo devenit, ut torrentis instar omnia se in praeceps, tracturum minitetur, nec pauci ex iis qui novarum rerum auctores aut fautores extiterunt, respectant conterriti, operis ipsi sui formidantes effectus. At Deus Nobiscum est, eritque usque ad consummationem saeculi. Timendum est iis de quibus scriptum est «Vidi eos qui operantur iniquitatem et seminant dolores et metunt eos flante Deo periisse, et spiritu irae Eius esse consumptos.» At Deum timentibus et certantibus in nomine Ipsius ac in Eius potentia sperantibus misericordia et preasidium reservatum est, neque dubitandum quin cum Eius sit causa, Eius sit pugna, Ipse certantes adiuvet ad victoriam.

BREVE DE SU SANTIDAD

concediendo indulgencia plenaria
á todos los fieles cristianos el
dia tres del próximo mes
de Junio.

PIUS PP. IX.

Universis Christifidelibus praesentes Litteras inspecturis salutem et Apostolicam Benedictionem. Quandoquidem Catholica iuventutis italicae Societas, praeter alia permulta eaque eximia pietatis officia.

quae cum plerisque in commune conspirantibus Cris-
tifidelibus catholici nominis Parenti Publico conti-
nenter praestat, summi sui erga Nos studii testandi
gratiaeque Deo habendae causa quod Eius providen-
tia et numine, quamvis adversa rerum vice graviter
conflictamur, ad hoc aetatis animo et corpore valentes
provehimur, censuit quinquagesimum Episcopalis Ho-
noris Nostri annum, si Deus dederit, die III mensis
Iunii venturi sollemniter celebrare, atque in votis
habet ut id populo chistiano bene et feliciter eveniat;
Nos ad augendam fidelium religionem animarumque
salutem caelestibus Eccliae thesauris pia charitate
intenti, piis praedictae Societatis precibus obsecundare
volentes de Omnipotentis Dei misericordia ac BB.
Petri et Pauli App. eius auctoritate confisi, omnibus
et singulis utriusque sexus Chistifidelibus, qui hoc
anno die III Iunii qualibet in Ecclia aut Oratorio sa-
crosanto Missae sacrificio adstantes vere poenitentes
et confessi ac S. Communione refecti pro peccatorum
conversione, catholicae Fidei propagatione et Romanae
Eccliae pace atque triumpho pias ad Deum preces
effuderint, Plenariam omnium peccatorum suorum
Indulgentiam et remissionem, quam etiam animabus
Chistifidelium quae Deo in charitate coniunctae ab hac
luce migraverint, per modum suffragii applicare pos-
sint, misericorditer in Domino concedimus. Volumus

autem, ut praesentium Litterarum transumptis seu exemplis etiam impressis manu alicuius Notarii publici subscriptis et sigillo personae in ecclastica dignitate constitutae munitis eadem prorsus fides adhibetur, quae adhiberetur ipsis praesentibus, si forent exhibitae vel ostensae.

Datum Romae apud S. Petrum sub annulo Piscatoris die XXVII Februarii MDCCCLXXVII. Pontificatus Nostri Anno Trigesimoprimo.—Pro D. Card. Asquinio D. Jacobini Subst. —

PIO, PAPA IX.

A todos los cristianos que vieren las presentes Letras, salud y apostólica bendicion. Puesto que la Sociedad Católica de la Juventud italiana, además de otros insignes servicios de piedad que en union con muchos católicos hace constantemente el Padre comun, determinó celebrar solemnemente, si el Señor lo permitiere, el quincuagésimo aniversario de Nuestra consagracion Episcopal en el dia 3 del próximo mes de Junio para demostrar su amor hacia Nós y dar gracias al Señor por que por su Providencia y permission hemos llegado á esta edad, aunque afligidos gra-

vemente por las adversidades, procurando además que haga bien y felizmente lo mismo el pueblo cristiano, Nos, móvidos por piadosa caridad á acrecentar la Religion de los fieles y la salud de las almas con los celestiales tesoros de la Iglesia, queriendo escuchar las devotas súplicas de dicha sociedad, por la misericordia de Dios Omnipotente, y confiados en la autoridad de San Pedro y San Pablo, á todos los fieles de uno y otro sexo que en este dia 3 de Junio asistan al sacrosanto sacrificio de la Misa en cualquier iglesia ú oratorio, y verdaderamente arrepentidos, confesados y fortalecidos con la sagrada Comunion, rueguen piadosamente á Dios por la conversion de los pecadores, la propagacion de la fé católica y la paz y el triunfo de la Iglesia Romana, concedemos misericordiosamente en el Señor indulgencia plenaria y remision de todos sus pecados, cuya indulgencia pueden aplicar tambien por modo de sufragio á las almas de los fieles que hayan fallecido en gracia. Queremos tambien que á los traslados ó copias de las presentes Letras, aun los impresos, que aparezcan suscritos por algun notario público y garantidos por el sello de persona constituida en dignidad eclesiástica, se dé la misma fé que se daria á las presentes, si se exhibiesen ó mostrasen.
Dado en Roma en San Pedro con el anillo del Pesca-

dor el dia XXVII de Febrero de 1877.—Pro D. Card.
Asquino.—D. Jacobini, Sust.

A fin de facilitar al Clero y fieles de la Diócesis de Ciudad-Rodrigo el que puedan formar parte de la próxima peregrinacion á Roma, el Illmo. Sr. Obispo se ha servido nombrar la comision encargada de promover y organizar la peregrinacion en dicho Obispado, compuesta de las personas siguientes:

M. I. Sr. Lic. D. Francisco Morante, Gobernador eclesiástico, Provisor y Vicario general del Obispado.

Dr. D. Leonardo Malo, Dignidad de Dean de la Santa Iglesia Catedral y Rector del Seminario Conciliar.

Dr. D. Santiago Sevillano, Canónigo Doctoral.

D. Pantaleon Gonzalez, Canónigo.

Lic. D. Atanasio Pando, Abogado.

Lic. D. Lope Domenech, Abogado.

Lic. D. Antonio Granados, Médico.

Lic. D. Manuel Cantero, Notario.

SALAMANCA: IMP. DE OLIVA.